

AGENDRE ADVENT III, MINGGU 12 DESEMBER 2021

1. FANGOWAI BA FOGAONI

(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).

Fangowai :

SA : Ya'ami banua niha Keriso, Ya'ahowu ami ba döi Zo'aya
Maranata

SATO : Maranata !

SA : Ya faofao khömi Lowalangi...

SATO : Ya fao Khöu Geheha-Nia

Fanunu Lili

SH : *(Möi ba meza Altar zangai huhuo sebua, ba imane)* : “Maökhö andre migu Adefe Si II khöda. Eluaha Adefe si dua andre: “Fa’atohare Mesia ba guli danö, ba wama’ele’ö fa’atohare Mbanua Lowalangi”.. *(Aefa da’ö, itunu Lili molo’ö migu Adefe)*

Fogaoni :

SA : Da ta’owuawua’ö dödöda wangondrasi Yehowa, da ta’omusoi’ö dödöda ba wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 47**

47. HIZA, TOHARE MESIA

Lala : Mihaogö Lala Mibokai (No. 31)

do = f 3/4

MM = 96 - 104

1. Hiza, tohare Mesia Ono Wondrege Zalaŵa.
Solohe khöda fa’ auri. Si’ otarai Lowalangi.
Sangatulö’ ö ya’ ita ba samohouni tödöda.
Tasuno Zo’ aya samè fa’ aurida.
2. Hiza, tohare Mesia, Ono Wondrege Zalaŵa.
Da tafa’ anö dödöda, ba wanema’ ö Ya’ ia.
Tödöda zumange-Nia, fanunö wangowai-Nia.
Tasuno Zo’ aya, samè fa’ aurida.

2. FANGA’ARO’Ö WA’OWULO (VOTUM)

SA : Da tahonogö dödöda ba wariawösa, ba ba wa hasambua khö Lowalangi, (Muzizio zato):
No owulo ita ba da’e ba döi Lowalangi Ama, ba ba döi nono-Nia Yesu Keriso, ba ba döi Geheha Ni’amoni’ö. Fangorifida ha ba döi Yehowa si no momböi banua si yawa awö danö.....

SATO : YADUHU

SA : Hiza, möi yomo ba mbanua khömi Razomi, Razo satulö ba sabölö.
Maranata.....

SA : **Manunö** : BZ. : 452

Maranata..... Maranata..... Maranata.....

SA : Mangandrö ita :

He Yehowa Lowalangima, somböi banua si yawa awö danö. No fa’ebua dödö-U khöma wa no tola marugi mböröta ndröfi ba wa’aniha Keriso. Abölö’ö ndra’aga Eheha-Mö andrö Ni’amoni’ö, ena’ö so khöma mbuabua wamalalini era’era, ba ena’ö so wa’a, sanöi ba sowua ndra’aga ba wamati ba wamaondragö fa’atohare Zo’aya ya’aga Yesu Keriso. Be’e khöma wehi’a dödö, fangosindruhugö ba fa lö faröi ba wango’aurifagö taroma Li-Mö, ena’ö samonga’eu fa’omasi, fa’atulö, fangefa, ba fa’ohahau dödö ndra’aga fefu irugi we’aso-Mö andrö si mendrua, Yaduhu.

(Mudadao zato)

3. MANUNÖ moroi ba Mbuku Zinunö Numero 217

217. HE YESU, NO I' U' UNI DÖDÖGU

Lala : Yaŵa Ba Zomuso Dödö (No. 429)

do = d 3/4

MM = 88 - 96

1. He Yesu, no i' u' u ni, dödögu fa' ogömi fa' ata' u
No tosasagöi dödögu, lö' usöndra lala wangorifigu.
2. No aboto ba dödögu, ha Yesu khögu gubalo sindruhu.
Lö manö sa ufonaha, ngawalö horö famabaligu khö-U.

4. FOMBASO TAROMA LI LOWALANGI FAMÖRÖGÖ (AF)

: Da tafondrongo daroma Li Lowalangi, tehalö moroi ba zura **Sinunö 98:1-3**

1. Mi'anunö khö Yehowa, sinunö si bohö! Noa sa ilau zahölihöli dödö, no itolo ia kambölönia, ta'ionia ni'amoni'ö andrö.
2. No ifarongogö Yehowa wangorifi andrö khönia; ba zanehe niha baero andrö ifa'ele'ö wa'atulönia andrö.
3. No itörö tödönia wa'ebua dödönia andrö, awö wa lö si faröi ia ba ma'uwu Gizeraeli; no la'ila wangorifi andrö khö Lowalangida fondrege danö fefu.

Simanö daroma Li Lowalangi, da tatema'ö faoma sinunö: BZ.Numero 3:2

3. MASUNO' Ö YEHOWA

do = f 3/4

MM = 96 - 104

2. Sumange la' ohe khö-U, mala' ika awö niha.
Dozi ira manunö, lasunosuno Yehowa.
Lira lö mo' aetufa, götögötö wa' ara.

5. FANGANDRÖ FANGEFA HORÖ

SA : Ya'ami ira talifusö'

Na tawa'ö lö horöda, ba talimo ita, ba siduhu lö'ö ba dödöda. Na ta'ombakha'ö Horöda, ba lö faröi Ia, ba no satulö Ia,fa'i'efa'ö khöda horö andrö, ihaogö ita, awö wa'iheta fefu zilö atulö. Andrö da möi ita föna Lowalangi si fao fangidengide'ö ba wangombakha horöda, (muzizio ita fefu)

Mangandrö ita :

He Ama Ni'amoni'ö, möiga ma'ondrasi dadaoma wa'ahakhö dödö-U ba wangandrö fangefa horö ba ngawalö nilauma si sökhi. Ma'andrö wa'ebolo dödö-U Ama ba wa'oya golalöwama, ha nifaluama ba ndraonoma, khö ndra satuama, ba talifusöma, ba ba niha fefu. Ma'andrö bologö dödö-U khöma me asese iböbö ndra'aga amuata fa'afökhö dödö, fayawasa, ba fönu ba lala wa'aurima sero ma'ökhö. Ma'andrö hakhösi dödö-U khöma, sasai fefu horöma ba bohouni ndra'aga ba wamaondragö fa'atohare-Mö. Saohagölö Ama, ba döi Zo'aya ya'aga Yesu Keriso, ma'andrö ni'andröma,.....

SATO : Mangandrö ba dödö zamösana föna Lowalangi.....1 irugi 2 meniti.

SA : Hakhösi dödö-U khöma Ama, ba be'e aefa khöma horöma andrö ma'afefu...Yaduhu.

SATO : Manunö : BZ. Numero 224 : 1

224. NA'UBINI'Ö HORÖGU KHÖ YESU

1. Na'ibini'ö horögu khö Yesu, ba lö usöndra za hono dödögu U'ombakha'ö ngawalö horögu, mo lala dödö.

SA : **Turia Wangefa horö** : “Faya wa no sauri Ndra'o, Iwa'ö Yehowa na Omasi-Do mate zebua horö; somasi Ndra'o na iröi lalania andrö sebua horö, na ifalalini gera'erania, ba na auri ia. Mifalalini gera'erami, miröi lalömi andrö, si lö sökhi ! Hana sa wa edöna mate ami, ya'ami ni'omasi'ö-Gu?

LAKHÖMI KHÖ LOWALANGI SI YAWA.....

SATO : Manunö:

450. BA FA'ATULÖ BA GULIDANÖ

do = d 4/4

MM = 74 – 84

1. Ba fa 'a tulö ba gulidanö ba niha ni'omasi 'ö andrö

(mudadao zato)

6. FOMBASO TAROMA LI LOWALANGI FÖNA HUHUUO (AB)

- : Da tafondrongo daroma Li Lowalangi, tehalö moroi ba zura **Luka 3:7-17**
- 7. Imane sa ba niha sato, si möi baero khönia, ba wamabayagö'ö idanö ya'ira khönia: He ya'ami, ono gulö! ha niha zanguma'ö khömi, aefa ami ba wönu andrö dania?
- 8. Andrö mi'asogö mbuabua, si nangea buabua wamalilini era'era, ba böi mibörötaigö miwa'ö tödömi: "Furugöma Gaberahamo." Uwa'ö sa khömi, i'ila Lowalangi ibali'ö ma'uwu Gaberahamo gara andrö.
- 9. Ba noa sa mufaudugö göi wato ba wa'a geu andrö, ba fefu döla geu, si lö mowua bua si sökhi, ba la'obö, ba latibo'ö ba galitö.
- 10. Ba lasofu khönia sato, lamane: Ba he mawisa?
- 11. Ba itema lira, imane khöra: Si dua görö baröe, ba yamube'e zagörö ba zi lö baru, ba yamanö göi zi so balazo.
- 12. Ba möi göi zanema beo, ba wamabayagö'ö idanö ya'ira, ba lamane khönia: He samahaö, he ma wisa?
- 13. Ba imane khöra: Böi mi'andrö zi töra moroi ba nihuku andrö khömi.
- 14. Ba lasofu göi khönia saradadu andrö, lamane: He mawisa göi, ya'aga andre? Ba imane khöra: Böi mifakao niha, ba böi mitandrawaisi, ba böi mikökökökö ba wa'ide'ide luomi.
- 15. Ba me lafaigifaigi niha sato, me la'owanöwanöi tödöra, ba khö Yohane andrö, ma ta'ila ya'ia Keriso andrö,
- 16. ba humede Yohane, imane khöra fefu: Ya'odo, ba idanö ubayagö khömi, ba so dania zabölö moröi khögu, khönia ambö ndra'o sanoto'ö böbö mbadagahenia, ba Eheha ni'amoni'ö ba alitö ibayagö khömi da'ö dania.
- 17. So ba dangania döri, ba wangehao olayama mbasitö khönia, ba ba wangözaragö ba halasania ulitö andrö, ba adaya, ba itunu ba galitö si lö matemate.

Ya'ahowu zamondrongo taroma li Lowalangi ba same'e ba dödö.

SA+SATO : Yaduhu

8. FASÖMBATA

SA : Iada'e tebe'e khöda ginötö ba wolohe fasömbata khö Lowalangi. Ta'osamuzaigö wame'e, he fasömbata si föföna, ba simanö göi zi mendrua awö zi medölu, Sifao fangowuloi ame'ela Pesembahan Kasih. Ba si föföna ua da tafondrongo Li Lowalangi me imane:

- ❖ Ba da'ö niwa'ö-Gu: Na so zangatalisi tanömö, ba lö oya'oya ibasi, ba na so zi lö alimagö tanömö, ba oya göi ibasi dania. Ba balazi dödö zamösana; böi abu dödö, ba tenga ni forege; si no aoha gölö fame'e, da'ö sa zomasi Lowalangi. (II Korindro 9:6-7)

Tafa'ema wasömbata khö Lowalangi, manunö ita moroi ba Mbuku Zinunö
Numero 38

38. HE YESU HE' UWISA

Lala : Ahatö ae Zo' aya (No. 32)

do = bes 4/4

MM = 96 - 104

1. He Yesu, he ' uwisa, wolulu tödögu.
Ena ' ö monahia, Geheha sindruhu.
He Yesu, faha ' ödo wagandrö khö Nama.
Ena ' ö ululudo nifahaö Geheha.
2. No oya Öfanema, ndra' o fa' omasi-U
Oya sibai utandra, fa' ahakhö dödö-U.
Öfa' anumana' Ö, wangalui ya' odo.
No Öroi lakhömi-Mö, wangorifi ya' o.
3. Me no Ö' efa' ödo, ba huku horögu,
Ba no Öfa' u' udo, fa' ebu a dödö-U.
Andrö wa lö ubato wanuno Ya' ugö.
Ba ululu ndra' odo, möido enoni-Mö.
4. He Yesu böi famalö, wamehi' a tödö.
Wagandrö ba fanunö, khö Nama ba Döi-Mö.
Ya khö-U manö ndra' odo, ba okhötagu göi.
Ya sumange-U ndra' odo, si lö sa' ae faröi.
5. Da utanö ba dödö, wa' omasi-U, Yesu.
Ba da uturiaigö, wa' ebu a dödö-U.
Ya lö u' ila mbö' ö, ha Ya' ugö manö.
Zi tobali sa'watö, we' ewe' e dödö.

SA :

Na no awai la'owuloi/lafa'ema wasömbata, ba owulo tanö furi zangowuloi Fasömbata, lafendrongagö wolohe föna fasömbata, ba la'o'ö gofanöwa note zinunö (irama lagu).Fatua lö möi ira wolohe föna, ba imane Sangai Agendre:)

“Da tafasao wasömbatada andre föna Lowalangi,.....Muzizio ita fefu.....
Manunö ita moroi ba Mbuku Zinunö numero 261

261. YA'E ZUMANGE ¹

do = d 4/4

MM = 62 - 68

Ira'alawe□

1. Ya ' e zu-ma-nge fa-sömbata, ma ' o-he sumange Yehowa.
Iramatua
Reff :Ma'andrö khö-U fa-ho-wu'ö zu-mange ni 'o- hema khö-Mö
2. Ya'e zumange fasömbata mabe'e soroi ba dödöma.
Reff : Ma'andrö khö-U
3. Ya'e zumange fasömbata buala si'otarai Nama.
Reff : Ma'andrö khö-U
4. Ya'e zumange fasömbata, boto, noso, ba fa'aurima
Reff : Ma'andrö khö-U
5. Ya'e zumange fasömbata, lö irugi zomasi dödö-U.
Reff : Ma'andrö khö-U
6. Ya'e zumange fasömbata, ma'aohasi gölö Zo'aya.
Reff : Ma'andrö khö-U

FANGANDRÖ : *(Fangandrö nidönia'ö fasamösa zangowuloi fasömbata, aefa da'ö ba lafa'ema ba Danga zangai huhuo, itema'ö sangai huhuo awena itou'ö ba dete meza. Ba na so Wasömbata si sambua ni'ofulu, owasa wanaru ma owasavvamasi, bti ba itema'ö sangai huhuo si fao taroma Li Lowalangi si faudu ba wasömbata ni'owuloi andrö) Mudadao Zato*

9. KOOR/VOKAL GROUP

- SA** : Da tafaogö dödöda ba wanuno Lowalangi faoma sinunö ni'olohesi:
Koor ba Vokal Group
- Koor Jemaat
 - Kegiatan Kom.Bapak
 - Kegiatan Wilayah III
 -
 - e.

10. MANUNÖ

- SA** : Da tafa'anö dödöda wamondrondrongo taroma Li Lowalangi, manunö ita moroi Ba Mbuku Zinunö **numero 163**

163. UHONOGÖ SIBAI DÖDÖGU

do = a, 4/4

MM = 76 – 82

- Uhonogö sibai dödögu ba wamondrondrongo li Mö Yesu Mangalulu ndra'odo föna-U ba gametahö-Mö ia da 'a Öbayoini Eheha-U Yesu dozigö mbanua samati khö-U. Ubokai dödögu khö-U Yesu nahia daroma li-U. Taroma li-Mö lö fa'atebulö menewi ma 'ökhö ba si 'ogötö'ö lö sa mamalö. Taroma li-Mö si möi fangabölö utema 'ö soroi ba dödö, tolo ba wolo 'ö.

11. HUHUAO SEBUA

- SH** : Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö ita.....Yaduhu.
- Fombaso taroma Li Lowalangi (Zefania 3:14-20)
 - Fanuriaigö
 - Nitanö ba dödö. (Zefania 3:17a)
 - Fangandrö Fanga'aro'ö huhuo

- SATO** : Manunö : BZ. Numero 154 : 1

154. NO MAFONDRONDRONGO LIU ²

do = es 4/4

MM = 96 - 104

- No mafondrondrongo li-U, Lowalangi So ' aya. Tanö ba dödöma ia, fa böi olifuga. Fahowu 'ö ia khöma, ena ' ö ohahau dödöma fefu. Heta ba dödö zi lö sökhi, ma'o ' ö niwa 'ö-U.

12. TUHO WAMATI

- SA** : Me notarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso föna Lowalangi, muzizio ita fefu.....endronga lida

- SA+SATO** :
- ❖ Ya'o mamati khö Lowalangi Ama si lö ambö fa'abölö, somböi banua si yawa awö danö.
 - ❖ Ya'o mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.
 - ❖ Ya'o mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

13. ANGOMBAKHATA BA MBANUA NIHA KERISO

SA : Da tafondrongrongo gangombakhata:.....

MANUNÖ

SA : Manunö ita moroi ba Mbuku Zinunö **numero: 157**

157. WA' ASÖKHI AE LI YESU

Lala : Sökhi sa Duria Yesu (No. 88)

do = es 4/4

MM = 88 - 96

1. Wa ' asökhi ae li Yesu, sangorifi ya ' odo.
Me I - tu-tu - ru la - la - gu, fa u-kha-mö zo-ru-go.
2. Wa' asökhi ae li Yesu, si no mogaoni ya' o.
Me no Ifabu' u khögu, wa lö Itimba ndra' o.

14. FANGANDRÖ SALAHI + FAMATENGE + HOWUHOWU

SH : Muzizio ita fefu, mangandö ita :.....(tetohugö) : Ba döi Zo'aya ya'aga Yesu Keriso, Si no mamahaö ya'aga ba wangandrö mamane :

SH + SATO : He Ama khöma siso ba zorugo, ya te'amoni'ö döi-U. Ya tobali banua-U fefu niha, Ya itörö zomasi ndra'ugö, hulö ba zorugo, ya si manö göi ba gulidanö. Öma sirugi ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi so sala khöma. Böi ohe ndra'aga ba wanandraigö, efa'öga ba zi lö sökhi. Me ya'ugö zamatorö banua-U, ba sokhö fa'abolö, awö lakhömi, irugi zi lö aetu. Yaduhu

SH : **FAMATENGE + HOWUHOWU :**
Mi'angawuli si fao fa'ohahau dödö, ya tobali ami sura Keriso, samaduhu'ö Ya'Ia ba Lala wa'aurimi sero ma'ökhö, ba mitema (tatema) howuhowu Lowalangi :
❖ Ya mufahowu'ö ami/ita Lowalangi, Ya murorogö ami/ita
❖ Ya mufohaga mbawa-Nia Khömi/khöda, Ya mu'ebua'ö dödö-Nia khömi/Khöda
❖ Ya mufalemba hörö-Nia khömi/khöda, Ya mube'e wa ohahau dödö khömi/khöda fefu. Yaduhu

SATO : Manunö BZ.Numero **33. INÖTÖ SI SO ITA IADA' A**

SH : YA'AHOWU

SATO : YA'AHOWU